

**МТҚБ «Парламентаризм институты» ШЖҚ РМК**  
**және**  
**«Қазақстан Республикасының ауыл шаруашылығы ғылымдары**  
**Академиясы» РҚБ**  
**арасындағы**

**МЕМОРАНДУМ**

Астана қ.

« 26 » қаңтар 2024 ж.

Бір тарапынан МТҚБ «Парламентаризм Институты» ШЖҚ РМК (бұдан әрі – Институт), Жарғы негізінде әрекет ететін директоры **Канатбек Бейсенбекұлы Сафинов** және екінші тарапынан «Қазақстан Республикасы Ауыл шаруашылығы ғылымдары Академиясы» (бұдан әрі – Академия) атынан Президенті, ҚР ҰҒА академигі **Тілектес Исабайұлы Есполов**, бұдан әрі бірлесіп «Тараптар» деп аталатындар өзара сенім, достық қарым-қатынас қағидаттарын басшылыққа алып, ынтымақтастықты тең және өзара тиімді негізде қатынасты белгілеуге төмендегілер туралы келісті:

### **1. МЕМОРАНДУМНЫҢ МАҚСАТЫ**

Меморандумның мақсаты - ауызша немесе жекелеген қосымша келісімдерде келісілген бірлескен бағдарламалар мен жобаларды іске асыру мақсатында азық-түлік қауіпсіздігін қамтамасыз ету және ауыл шаруашылығын орнықты дамытуды заңнамалық қамтамасыз етудің оңтайлы жағдайларын қамтамасыз етуге жәрдемдесу үшін нормативтік-заңнамаларды шығару негіздерін әзірлеу саласында іргелі, қолданбалы және инновациялық сипаттағы бірлескен талдамалық, ғылыми және әлеуметтанулық зерттеулер жүргізу бойынша Тараптар арасындағы өзара тиімді ынтымақтастық болып табылады.

### **2. ЫНТЫМАҚТАСТЫҚТЫҢ НЕГІЗГІ БАҒЫТТАРЫ**

Тараптар өзара сенім негізінде ынтымақтастық пен әріптестікті жүзеге

асыру жөніндегі өз ниеттерін растайды және қолданыстағы заңнамада айқындалған өкілеттіктер шеңберінде ынтымақтастық пен өзара көмек көрсету шеңберінде мынадай ұстанымдарға негізделетінін уағдаласты:

- Академияны АӨК-нің әртүрлі аспектілерін зерделеу, ұтымды ұсыныстар әзірлеу және Академия мүшелерінің қатысуымен аналитикалық, ғылыми және әлеуметтік-экономикалық зерттеулер жүргізу жөніндегі бағдарламаларды әзірлеуге тарту;
- Ауыл шаруашылығының тұрақты дамуына жәрдемдесу және азық-түлік қауіпсіздігін қамтамасыз ету мақсатында Тараптар ұйымдастыратын түрлі конференцияларға, кеңестерге және басқа да іс-шараларға қатысу.
- АӨК саласындағы заңнамалық реттеуді оңтайландыру, биологиялық, табиғи ресурстар мен экологияны сақтау және пайдалану бойынша ұсыныстарды талдау және дайындау;
- ҚР АӨК-нің түрлі өңірлері мен салаларындағы ғалымдар қызметінің тәжірибесі мен ақпараты бойынша қолданыстағы заңнаманың тиімділігін бірге талдау;
- АӨК саласындағы ғылыми қамтамасыз етуді және мемлекеттік реттеуді жетілдіруге және дамытуға бағытталған бірлескен бастамалар мен ұсыныстарды ілгерілетуге жәрдемдесу;
- АӨК саласындағы қолданыстағы заңнаманы жетілдіру үшін ғылыми, мониторингтік, әлеуметтанулық, сараптамалық және талдамалық жұмыстарды жүргізуге қатысу;
- Ынтымақтастық салалары тақырыбы бойынша бірлескен іс-шаралар (конференциялар, семинарлар, тренингтер, презентациялар, дөңгелек үстелдер және т. б.) өткізу;
- Ынтымақтастық процесінде өзара консультацияларды ұйымдастыру және өткізу;
- Ақпарат, тәжірибе, ғылыми-зерттеу және заң шығару жұмыстарының нәтижелерімен алмасу;
- Осы Меморандумды іске асыруға қолайлы жағдайлар жасау үшін Тараптардың өзара әрекеті бойынша ұйымдастырушылық шараларын жүзеге асыру.

### **3. ЫНТЫМАҚТАСТЫҚТЫҢ ФОРМАЛАРЫ**

Меморандум шеңберінде Тараптар жазбаша түрінде орындалған және

Тараптардың уәкілетті өкілдері қол қойған жағдайда жарамды болатын жекелеген келісімдер жасай алады.

#### **4. ТАРАПТАРДЫҢ МІНДЕТТЕМЕЛЕРІ**

*Тараптар міндеттенеді:*

Тараптар жағынан ұсынылған ақпараттарды тек Меморандумда белгіленген мақсаттар үшін пайдалануды;

Бірлескен жұмыстар жүргізу барысында белгілі болған Тараптарға тиесілі ақпаратпен, оның ішінде құпия ақпаратпен жұмыс істеуді, оның қауіпсіздігі мен қорғалуын қамтамасыз етуді.

Тараптардың әрқайсысы Меморандумға сәйкес және өз құзыреті шеңберінде тәжірибе алмасу бойынша шараларға белсенді қатысу, оның ішінде танысу сапарларын, тағылымдамаларды ұйымдастыру, консультациялар мен семинарлар өткізу арқылы ынтымақтастық пен өзара әрекетті дамытуға жәрдемдеседі.

Тараптар Меморандумның мақсаттарын іске асыру үшін бір-біріне қажетті көмек және жәрдем көрсететін болады. Құзыретті органдармен өзара әрекет ету бойынша шаралар қабылдайды, сондай-ақ осы Меморандумда қойылған міндеттерге қол жеткізу үшін қажетті ақпарат алмасуды қамтамасыз етуге жәрдем көрсетеді.

#### **5. ТАРАПТАРДЫҢ ЖАУАПКЕРШІЛІГІ**

Тараптар мемлекеттік құпияларды, коммерциялық немесе қызметтік құпияны қоса алғанда, құпия сипаттағы ақпаратты, сондай-ақ Тараптардың мүдделерін қозғайтын өзге де ақпаратты жария етпеуге уағдаласты. Бұл ретте, Тараптардың кез келгені Меморандум мақсаттарын іске асыру барысында алынған қандай да болмасын құжаттарға немесе материалдарға құпия ақпарат мәртебесін беру туралы ресми түрде жазбаша формада мәлімдеуге тиіс.

#### **6. ӨЗГЕРІСТЕР МЕН ТОЛЫҚТЫРУЛАР**

Тараптардың өзара келісуі бойынша Меморандумға осы құжаттың ажырамас бөлігі болып табылатын өзгерістер мен толықтырулар енгізілуі

мүмкін, бұл ретте кез келген толықтырулар немесе өзгерістер басқа Тарапты алдын ала жазбаша түрде хабардар етеді.

Осы Меморандумға енгізілетін барлық өзгерістер мен толықтырулар жазбаша түрде орындалған және Тараптардың уәкілетті өкілдері қол қойған жағдайда ғана жарамды болады.

## **7. КЕЛІСПЕУШІЛІКТЕРДІ РЕТТЕУ**

Тараптар Меморандумда көрсетілген мақсаттар мен міндеттерді іске асыру процесінде туындауы мүмкін болатын даулар мен келіспеушіліктерді шешуге барлық шараларды қолданылады. Бұл ретте олар келіссөздер жүргізу жолымен достық тәсілімен шешілетін болады.

Тараптар Меморандумның мақсаттары мен міндеттерін орындауға қатысты туындауы мүмкін болатын мәселелерді шешу шеңберінде бірлескен консультациялар өткізуге міндеттенеді.

## **8. ҚОРЫТЫНДЫ ЕРЕЖЕ**

Меморандум ізгі ниеттің дәлелі болып табылады және Тараптардың ынтымақтастық туралы ниеттерін білдіреді.

Меморандум оған тараптар қол қойған күннен бастап күшіне енеді, 5 (бес) жыл бойы қолданылады және егер Тараптар өзгеше уағдаласпаса, одан әрі ұзақтығы 1 (бір) жылға кейінгі кезеңдерге ұзартылуы мүмкін.

Тараптар қажеттілігіне қарай осы Меморандумды іске асыруға жауапты тұлғаларды айқындайды. Меморандумда көрсетілген міндеттердің практикалық іске асырылуын қамтамасыз ету үшін оған қол қойылғаннан кейін Тараптар жауапты тұлғалардың тізімдерін, олардың телефон нөмірлерін көрсете отырып, жазбаша формада алмасады.

Тараптардың ешқайсысы екінші Тараптың жазбаша келісімінсіз осы Меморандум бойынша өз құқықтарын өзге Тарапқа беруге құқылы емес.

Тараптардың әрқайсысы Меморандумның әрекет етуін тоқтатудан 20 (жиырма) күн бұрын екінші Тарапқа өзінің ниеті туралы жазбаша формада хабарлай отырып, мерзімінен бұрын тоқтата алады. Ішінара бұзылған жағдайда мұндай хабарламада Меморандумның алынып тасталатын тармақтары туралы ақпарат болуға тиіс.

Меморандум қазақ және орыс тілдерінде, заң күші тең 2 (екі) данада дайындалып, Тараптардың әрқайсысы үшін бір данадан жасалды.

Осы Меморандумнан Тараптар арасында ешқандай заңды міндеттемелер немесе заңды құқықтар туындамайды. Алайда Тараптар оның барлық ережелерін сақтау ниетімен Меморандум жасасады, ал оның негізінде бірқатар басқа, өзара міндетті және заңды түрде ресімделген құжаттардың жасалынуы және қабылдануы мүмкін.

### ТАРАПТАРДЫҢ ҚОЛДАРЫ:

ҚР ШБ жанындағы МТҚБ "Парламентаризм институты" ШЖҚ РМК



Директоры  
**Сафинов Қанатбек Бейсенбекұлы**

«Қазақстан Республикасы Ауыл шаруашылығы Ғылымдарының  
Академиясы» РҚБ

Президенті

**Академик Есполов Тілектес Исабайұлы**

Күні: 2024 жыл      қантар